



醫方類聚
綱目
五

八香
共
廿二

陰陽臟腑部
治寒熱法
產後發熱

治發熱

勞瘵骨蒸熱

傳屍勞熱



醫學綱目卷之五

陰陽臟腑部

治寒熱法

診治寒熱大法

素陰勝則陽病陽勝則陰病陽勝則熱陰勝則寒重寒則

熱重熱則寒陰陽應象論下同陽勝則身熱腠理閉喘麤為之

俛仰汗不出而熱齒乾以煩冤腹滿死能冬不能夏陰

勝則身寒汗出身常清數慄而寒寒則厥厥則腹滿死能

夏不能冬

固諸有過切之瀉者陽氣有餘也滑者陰氣有餘也陽氣

有餘為身熱無汗陰氣有餘為多汗身寒陰陽有餘則無

汗而身寒陰陽不足則有汗而身熱予補此句為病之重

者莫大於此如刀削肌肉危之甚不能及矣按經曰邪

生於陽者得之風雨寒暑又曰陽虛生外寒陽受氣於上

焦以溫皮膚分肉之間今寒氣在外則上焦不通上焦不



通則寒氣獨留於外故寒慄又曰陽盛生外熱上焦不通
 利則皮膚緻密腠理閉塞玄府不通衛氣不得泄越故外
 熱經曰邪生於陰者得之飲食居處陰陽喜怒又曰陰
 虛生內熱有所勞倦形氣衰少穀氣不盛上焦不行下脘
 不通胃氣熱熱氣薰胃中故內熱又曰陰盛生內寒厥氣
 上逆寒氣積於胃中而不瀉不瀉則溫氣去寒獨留則血
 凝血凝則脈不通其脈盛大以澁故中寒餘見針灸門
 吳視其顏色黃赤者多熱氣青白者少熱氣黑色者多血
 少氣五音五味篇經曰凡診絡脈脈色青則寒且痛赤則有
 熱胃中寒手魚際之絡多青胃中有熱魚際絡赤其暴黑
 者留久痺也其有赤有黑有青者寒熱氣也其青短者少
 氣也浮絡多青則痛多黑則痺黃赤則熱多白則寒五
 色皆見其寒熱也餘見陰陽通論

治安

正治
以寒治熱
以熱治寒

難經云數則為熱遲則為寒諸陽為熱諸陰為寒全文見論法通
 經曰人迎盛則為熱虛則為寒氣口盛則脹滿寒中
 食不化虛則熱中出糜少氣瀉色變全文見針灸虛實寒者熱
 之熱者寒之微者逆之甚者從之逆者正治從者反治從
 少從多觀其事也帝曰反治何謂岐伯曰熱因寒用寒因
 熱用寒因塞用通因通用必伏其所主而先其所因其始
 則同其終則異可使破積可使潰堅可使氣和可使必已
 全文見治法通論微者調之其次平之盛者奪之汗之下之寒
 熱溫涼衰之以屬隨其攸利全文見治法虛實
 王註曰假如小寒之氣溫以和之大寒之氣熱以取之
 甚寒之氣則下奪之奪之不巳則逆折之折之不盡則
 求其屬以衰之小熱之氣涼以和之大熱之氣寒以取
 之甚熱之氣則汗發之發之不巳則逆制之制之不盡

則求其屬以衰之

難陽盛陰虛下之則愈汗之則死此熱病也陽盛生外熱陰虛生內熱用寒藥下之仲景云桂枝下咽陽盛則難陰盛陽虛汗之則愈下之則死此寒病生內寒陽虛生外寒用熱藥汗之非止發汗也為助陽也仲景云承氣入胃陰盛以亡東垣云用甘草以助升浮生

帝曰論言治寒以熱治熱以寒方士不能廢繩墨而更其術也有病熱者寒之而熱有病寒者熱之而寒二者皆在新病復起奈何岐伯曰諸病寒之而熱者取之陰熱之而寒者取之陽所謂求其屬也王註云益火之源以消陰翳水之生以制陽光帝曰善服寒而反熱服熱而反寒其故何也岐伯曰治其至氣是以反也帝曰不治王而然者何也岐伯曰悉哉問也不治五味屬也夫五味入胃各歸所喜故酸先入肝苦先入心甘先入脾辛先入肺鹹先入腎久而增其物化之

反治以熱治熱以寒治寒

常也氣增而久天之由也

至真要大論下同王註云入肺為濕入心為熱入脾為

海問寒病服熱藥而寒不退熱病服寒藥而熱不退何也答曰啓玄子云熱不得寒是無水也寒不得熱是無火也

寒之不寒責其無水熱之不熱責其無火經云滋其化源源既已絕藥之假焉能滋其真水火也

帝曰脈從而病反者何如岐伯曰脈至而從按之不鼓諸

陽皆然王註云言病熱而脈數按之不鼓動乃寒盛格陽屬熱而病反寒也諸陽皆然謂三陽帝曰諸陰之反何如

岐伯曰脈至而從按之鼓盛而其也王註云形症皆寒按之而脈氣鼓擊於指下盛此為熱盛拒陰而生非病也此節言症屬寒脈亦從症雖屬寒而病反熱也是故百病之起有生於本者有生於標者有生於中氣者有取本而得

陽陰症似

者有取標而得者有取中氣而得者有取標本而得者有
逆取而得者有從取而得者逆正順也若順逆也故曰知
標與本用之不死明知逆順正行無間此之謂也不知是
者不足以言診足以亂經故太要曰粗工嗜上以為可知
言熱未已寒病復始同氣異形迷診亂經此之謂也夫標
本之道要而博小而大可以一言而知百病之富言標與
本易而勿損察本與標氣可令謂明知勝復為萬民式天
之道畢矣六氣之病標本相反者唯太陽少陰之病為最
格陽者少陰之本與標相反也格陰者少陽之本與標相反也
是標相反也故不知相反者逆標氣之陰陽而正治則
順本氣之寒熱而病加知相反者順標氣之陰陽而反治
則逆本氣之寒熱而病愈故曰逆正順也知標與本用本
正行無間也

右脉從病反言症似陽者脉亦從症似陽而其病反是

寒也症似陰者脉亦從症似陰而其病反是熱也故皆
反其脉症施治如身熱微熱煩躁面赤其脉沉而微者
陰症似陽也身熱者裏寒故也煩躁者陰盛故也面戴
陽者下虛故也若醫者不知脉誤為實熱反與涼藥則
氣消成大病矣外臺秘要云陰盛發躁名曰陰躁欲坐
井中宜以熱藥治之故仲景少陰症面赤者四逆湯加
葱白治之東垣云寒涼之藥入腹周身之火得水則升
不悟復認為熱重以寒
蒸投之其死也何疑焉

逆氣象陽全次見
五臟

或因吐因嘔因嗽而發躁蒸也身熱如坐中欲得去
衣居寒處或飲寒水則便如故振寒復至則氣短促速胃
中痞悶欲絕甚則口開目瞪聲聞于外而淚涕涎痰大作
其發躁須臾而已如前六脉細弦而濇按之而虛此太寒

明症似

用熱因寒

症也以辛甘寒甘溫之劑大瀉南方北方則愈
 活手足逆冷大便秘小便赤或大便黑色脈沉而滑者陽
 症似陰也輕者白虎湯重者承氣湯傷寒失下血氣不通
 令四肢逆冷此是伏熱深故厥亦深速以大承氣湯加賦
 粉下之汗出立愈蓋熱厥與陰厥自不同熱厥者微厥却
 發熱陰厥即不發熱四肢逆冷惡寒脈沉細大小便滑泄
 右二節言症似陽而脈病屬陰症似陰而脈病屬陽故
 反其症而治之蓋症似陽而脈病屬陰者世尚能辨若
 脈症俱是陰而病獨屬陽者舉世莫辨而致夭折者酒
 匕皆是許學士云熙寧中邠守迪因其猶子病傷寒見
 其煩渴而汗多以涼藥治之遂成陰毒數日卒迪痛悼
 之遂著陰毒形症訣三篇蓋傷世之意深矣

用熱因寒
 足太陽膀胱之經乃熱因寒用且膀胱本寒其經若陽

用寒因熱

也太陽為標有陽之名無陽之實謂其將變陰也其脈緊
 而數按之不鼓而空虛是外見虛陽而內有真寒也故仲
 景以姜附湯久久熱煎不溫服而寒服之亦是寒治也姜
 附氣味俱陽加之久久熱煎取重陽之熱瀉純陰之寒是
 治其本也不溫服而寒服此以假寒治太陽標之假陽也
 故為真假相對之治法因巢處治者當知其脈之空虛則
 是內伏陰寒之氣外顯熱症大渴引飲目赤口乾面赤身
 熱四肢熱如火者此浮陽將絕于外而內則為寒所拒也
 手少陰心之經乃寒因熱用且少陰之經真陰其心病
 根本是真火也故曰少陰經標陰本熱是內則心陽為本
 外則真陰為標其脈沉細按之洪大緊甚而盛者心火在
 內則緊甚洪大真陰為標則得脈之沉細寒水之體也故
 仲景以太承氣湯酒製大黃煎成熱服之以除標寒用大

黃芩硝辛苦大寒之氣味以瀉本熱以此用藥可以為萬世法矣

治熱以寒

也

素治熱以寒溫而行之至真要大論○即寒因熱用之類如前大黃世硝大寒之藥熱服是

丹溪治色自婦人惡寒用八物湯去苦加炒柏治之反劇知其病熱深而藥無反佐之過也仍取前藥熱炒與之而愈此治熱以寒借火之力溫而行之也

垣治熱以寒溫而行之有三皆因大熱在身止用黃芪人參甘草此三味者皆甘溫雖表裏皆熱燥發於內捫之肌熱於外能和之汗自出而解矣此溫能除大熱之至理一也熱極生風乃左遷入地補母以虛其子使天道右遷順行諸病得天令行而必愈二也况大熱在上其大寒必伏於內溫能退寒以助地氣地氣者在人乃胃之生氣使真

氣旺三也

治寒以熱

素治寒以熱涼而行之即熱因寒用之類如用乾姜附子大熱之藥須冷服是也

仲景治少陰病下利脈微者與白虎湯利不止厥逆無脈乾嘔煩熱白通加豬膽汁湯主之此治寒以熱借膽汁之涼而行之也

東垣治寒以熱涼而行之有二北方之人為大寒所傷其足脛脹乃寒勝則浮理之然也若火炙湯浴必脫毛見骨須先以新汲水浴之則時見完復矣更有大寒凍其面或耳若近火湯必脫皮成瘡須先於涼房處浴之少時以溫手熨烙必能完復此涼而行之除其大寒之理一也大寒之氣必令母實乃地道左遷入肺逆行於天以涼藥投之使天道右遷而順天令諸病得天令行而必愈二也況大寒在外其大熱伏於地下者乃三焦包絡天真之氣所居

之根蒂也熱伏於中元氣必傷在火之身乃胃也以涼藥和之則元氣充盛而不傷三也

惡寒非寒

曰惡寒非寒惡熱非熱論○經曰惡寒戰慄者皆屬於熱又曰戰慄如喪神守皆屬於火惡寒者雖當炎月若遇風霜重綿在身如覺凜戰慄如喪神守惡寒之甚也原病或曰病熱症而反覺自冷此為病熱實非寒也或曰往往見有服熱藥而可愈者何也病熱之人其氣炎上鬱為痰飲抑遏清道陰氣不升病熱尤甚積痰得熱亦為暫退熱勢助邪其病益深或曰寒勢如此誰敢以寒涼藥與之非殺而何予曰古人遇戰慄之症有以太承氣湯下燥糞而愈者惡寒戰慄明是熱症但有虛實之分耳

惡熱非熱

經曰陰虛則發熱太陽在外為陰之衛陰在內為陽之守精神外馳嗜慾無節陰氣耗散陽無所附遂致浮散在肌

表之間而惡熱實非看熱當作陰虛治之而用補養之法可也或曰傷寒惡寒惡熱者亦是耶予曰若病傷寒者自外入內先賢論之詳矣愚奚庸贅

治發熱

火法

冊火鬱當看熱在何經輕者可隆重者則隨其性而升之

人虛火盛顛者用生姜湯若投以冰水正治之立死實火可瀉小使降火極速有補陰即火自降炒柏地黃之類凡氣有餘便是火急甚者必緩之生甘草兼瀉兼緩參朮亦可凡火盛者不可驟用寒涼藥必兼溫散之左金丸治肝火用黃連六兩吳茱萸一兩陰虛火動難治與酒人發熱難治不飲酒人因酒發熱者難治一男子二十三歲因酒發熱用青黛瓜萸仁入姜汁每白數匙入口中三兩月而愈

熱分虛

垣小兒疳後餘熱不退，痲不收斂，大便不行，是謂血燥。則
 當以陰藥治之，因而補之，用清涼飲子通大便，而瀉其熱。
 潔古云：涼風至而草木實，夫清涼飲子乃秋風微熱之劑。
 也。此其寒傷表邪入於裏，日晡潮熱，大渴引飲，譫語狂
 燥，不大便是胃實，乃可攻之。夫胃氣為熱所傷，以承氣湯
 瀉其土實，元氣乃得周流，承氣之名於此具矣。此苦寒瀉
 今世人以苦泄火，故備陳之除熱瀉火，非甘寒不可以苦
 寒瀉火，非徒無益而反害之。故有大熱脈洪，大服苦寒劑
 而熱不退者，加石膏。如症退而脈數不退，洪大而病有
 加者，宜減苦寒，加石膏。如大便軟或泄者，加桔梗，食後服
 之。此藥誤用，則其害非細。用者旋止，加之如食少者不可
 用石膏。石膏善能去脈數，如病退而脈數不退者，不治。
 大熱而脈反細小，不可下者，瀉心湯主之。脈有方，可用

乏 骨肉筋血皮毛陰足而熱反勝之，是謂實熱。

垣能食而熱口舌乾燥，大便難者，實熱也。以辛苦太寒之
 劑下之，瀉熱補陰，經云：陽盛陰虛下之，則愈。脈洪盛而有
 方者是已。

人壯氣實火盛，顛狂者，可用正治。苦硝水水之類，飲之。
 海骨痿肉燥，筋緩血粘，皮聚毛落，陰不足而有熱疾，是謂
 虛熱。

垣不能食而熱自汗，氣短者，虛熱也。以甘寒之劑瀉熱補
 氣，經云：治熱以寒溫而行之。脈虛弱無方者是已。

當歸補血湯 治婦人肌熱，大渴引飲，目赤面紅，晝夜不
 息，其脈洪大而虛重，按全無，內經曰：脈虛血虛，脈實血實。
 又云：血虛發熱是也。症象白虎，惟脈不長實，難辨也。快服
 白虎湯，必死。此病得於饑困勞役。

黃芪兩 當歸酒洗

右剉作二服水二盞煎至一盞去渣稍熱空心服之
補中益氣湯 治飲食勞倦所傷始為熱中蓋人受水穀
之氣以生所謂清氣營氣運氣衛氣春升之氣皆胃氣之
別名也夫胃氣為水穀之海飲食入胃游溢精氣上輸于
脾脾氣散精上歸于肺通調水道下輸膀胱水精四布五
經並行合於四時五臟陰陽揆度以為常也若飲食失節
寒溫不適則脾胃乃傷喜怒憂恐損耗元氣脾胃氣衰元
氣不足而心火獨盛心火者陰火也起於下焦其系繫於
心心不主冷相火代之相火包絡之火元氣之賊也火與
元氣不兩立一勝則一負脾胃氣虛則下流肝腎陰火得
以乘其土位故脾症始得則氣高而喘身熱而煩其脈洪
大而頭痛或渴不止其皮膚不在風寒而生寒熱蓋陰火

上衝則氣高喘而煩熱為頭痛為渴而脈洪脾胃之氣可
流使穀氣不得升浮是春生之令不行則無陽以護其營
衛故任風寒乃生寒熱此皆脾胃之氣不足所致也然與
外感風寒之症頗同而實異內傷脾胃乃傷其氣外感風
寒乃傷其形傷其外則有餘有餘者瀉之傷其內則不足
不足者補之汗之下之吐之刺之之類皆瀉也溫之和之
調之養之之類皆補也內傷不足之病苟誤認作外感有
餘之症而反瀉之則虛其虛也實實虛虛如此死者醫殺
之耳然則奈何唯當以辛甘溫劑補其中而升其陽甘寒
以瀉其火則愈矣經曰勞者溫之損者溫之又曰溫能除
太熱大忌苦寒之藥損其脾胃脾胃之症始得則熱中今
立法治始得之症

黃芪 病甚熱甚 人參 一錢 煎去之 甘草 五分 當歸 身酒製

橘皮分 升麻分 柴胡分 白朮分

立右以咀作二服水二盞前至三盞量氣弱氣盛臨病斟酌水盞大小去查食遠稍熱服如傷重者不過二服而愈若病久者以權立加減法治之如腹中痛者加白芍五分炙甘草三分惡寒冷痛者加中桂去皮二分如惡熱喜寒而腹痛者於已加芍藥甘草中更加生黃芩三分或二分或夏月腹痛而不惡熱者亦然治時熱也若天涼惡熱而痛於加白芍甘草黃芩中更加桂少許天寒腹痛去芍藥味酸寒故也加益智仁三分或加半夏五分生姜三片如頭痛加蔓荊子三二分痛甚者加川芎二分項痛腦痛加藁本三分或五分若苦頭痛者加細辛二分諸頭痛者併用此四味足矣若頭上尚熱則此不能治別以清空膏治之如臍下痛者加

真熱地五分其痛立止如不止者乃太寒也更加肉桂去皮三分或二分內經所說小腹痛皆寒症從復法相報中來也經曰大勝必太復從熱病中變而作也非傷寒厥陰之症也仲景用抵當湯併丸主之乃血結下焦膀胱也如胃中氣壅滯加青皮二分氣促少氣者去之如身有疼痛者屬濕若身重者亦濕加去桂五苓散一錢如風濕相搏一身盡痛加羌活防風各五分升麻藁本根蒼朮各一錢勿用五苓散所以然者為風藥已能勝濕故別作一服與之如病去勿再服以治風之藥大損元氣而益損病故也如大便秘瀉加當歸稍一錢如閉瀉不行前戒正藥先用二口調玄明粉半錢或一錢得行則止此病不宜下下之恐變成凶症也如久病痰嗽者去入參初病者勿去冬月春寒或秋涼

時各宜加不妄節麻黃半錢如春令大溫則加佛耳草三分款冬花二分如夏月病嗽加五味子三分去心麥冬二分或三分如舌上白滑胎是胃中有寒勿用之如夏月不嗽亦加人參三二分并五味子麥冬各等分救肺受火邪也如病人能食而心下痞加黃連二分或三分如不能食而心下痞勿用如腸下痛或急痛者俱加柴胡甘草

右丁方加減是飲食勞倦喜怒不節始病熱中則可用之若未傳寒中則不可用也蓋甘酸適足益其病耳如黃芪人參甘草芍藥五味之類是也

垣氣運衰旺圖

濕胃化 熱小腸長 風膽生 皆陷下不足先補則用黃芪 甘草 當歸 升麻 柴胡 人參 芍藥 芩 苓

散以助春夏生長之用者也

土脾形 火心神 木肝血 皆大盛上乘生長之氣後

瀉則用甘草稍之甘寒瀉肺火逆於胃中傷氣者也黃芩之苦寒以洩胃中之熱喘氣上奔者也 紅花以破惡血 用黃芩大補腎水益肺氣瀉血中火燥者也

寒膀胱藏氣 燥大腸收氣 皆大旺後瀉則用黃芪之甘溫止自汗實表虛使不受寒邪當歸之辛溫能潤燥更加桃仁以通幽門閉塞利其陰路除太便之難燥者也

水腎精 金肺氣 皆虛衰不足先補則用黃柏之苦寒除濕熱為痿乘於腎救足膝無力亦除陰汗陰痿而益精甘草稍黃芩補肺氣洩陰火之下行腎苦氣上逆急食苦以洩之也

腎熱正治

此初受熱中常治之法也非權也權者臨病制宜之謂也

海晝熱則行陽二十五度大抵柴胡飲子 夜熱則行陰

水二十五度大抵四順飲子 又云一身盡熱或白晡潮熱

也四順飲子或桃仁承氣湯選用而用之當視其 平日

由表入裏腹痛血刺痛腹中有無轉失氣之異 發熱熱在行陽之分肺氣主之故用白虎湯以瀉氣中

之火 又云白虎治脈洪故 日晡潮熱熱在行陰之

分腎氣主之故用地骨皮以瀉血中之火 又云地骨皮

散治脈弦也 按地骨皮散治虛熱升也

柴胡飲子 白虎湯 清涼飲子 桃仁承氣湯

血分熱 氣分熱 血分熱 清涼飲子 桃仁承氣湯

恒牽牛味辛烈能瀉氣中之濕熱不能除血中之濕熱 防已味苦寒能瀉血中之濕熱又通血中之滯塞

柴胡飲子 方見勞熱 白虎湯 方見傷寒 地骨皮散 方見骨蒸明

清涼飲子 大黃 蒸 甘草 炙 當歸 洗 芍藥 洗各等分

右咳咀每服五錢薄荷十葉水一盞半同煎至七分去

香溫服

桃仁承氣湯 方見傷寒

丹久病脈虛氣鬱發熱

芍藥 酒炒一兩 香附 一兩 蒼朮 兩 沙參 三錢

甘草 一錢五分 右炊餅丸服

脈滑腸有宿食常暮發熱明日復止者於宿食門求之

濕痿夜熱以三補丸加白芍藥為丸

三補丸方 黃芩 黃柏 黃連 為末粥糊為丸

為末粥糊為丸

為末粥糊為丸

裏分表

熱分上

有表而熱者謂之表熱無表而熱者謂之裏熱故苦者以治五臟五臟屬陰而居于內辛者以治六腑六腑屬陽而在于外故曰內者下之外者發之又宜養血益陰身熱自除以脈言之浮數為外熱沉數為內熱浮大有為外熱沉大有為內熱

仲熱在上焦者因欬為肺痿熱在中焦者為堅熱在下焦者為尿血亦令淋閉不通

肘前熱者腰以上熱手前獨熱者腰以下熱肘前獨熱者膺前熱肘後獨熱者肩背熱臂中獨熱者腰腹熱肘後以下三四寸熱者腸中有虫掌中熱者腹中亦熱全文見診法

海三焦熱用藥大例 上焦熱施于黃芩 中焦熱小使不利黃連芍藥 下焦熱黃柏大黃

上焦熱 清神散 連翹防風湯 涼膈散
龍腦飲子 犀角地黄湯

肘獨熱 多渴 口赤 上熱

中焦熱

小承氣湯

調胃承氣湯

洗心散

四順清涼飲

桃仁承氣湯

下焦熱

大承氣湯

五苓散

立効散

八正散

石葦散

四物湯

身熱脈洪無汗多渴者熱在上焦宜桔梗湯

桔梗

連翹

山梔

薄荷

黃芩

甘草

各等

右為粗末竹葉白水煎溫服汗之熱服春倍加防風

羌活夏倍加黃芩知母 季夏淫雨倍加羌活秋

加桂五錢冬加桂一兩亦可以意消息隨症增損而

用之

局清神散消風壅化痰涎治頭目眩面熱

檀香去

人參去

羌活去

防風去 各

薄荷去

甘草

荆芥穗各二

石膏研四

細辛 去苗焙 五錢

右為末每服二錢沸湯煎服或入茶末煎服此方虛

龍腦飲子治蘊積邪熱咽喉腫痛眼赤口瘡心煩鼻衄丹

云上中二焦藥也

砂仁 各三兩 瓜蒌根 各三兩 藿香葉 二兩 石膏 四兩

甘草 蜜炙 六兩 梔子 微炒 十兩

右為末每服二錢至三錢用新汲水入蜜調下

無擇加減涼膈散退六經之熱丹溪云涼膈散

易老涼膈散減大黃芒硝加桔梗甘草法加防風同為

舟楫之劑浮而上之治胃膈中與六經之熱以手足少陽

之氣俱下膈絡胃生二焦之氣同相火遊於身之表膈與

六經乃至高之分此藥浮載亦至高之劑故施於無形之

中隨高而走去膈中及六經之熱也

梔子仁 一兩 五錢 芒硝 兩半 連翹 各五錢 薄荷

黃芩 各一兩半 大黃 五錢

右為粗末每二兩水一盞竹葉七片同煎至一盞去渣

入蜜少許食後服加姜煎亦得去六經熱減大黃芒硝

加桔梗甘草人參防風治肺經邪熱咳嗽有痰加半夏

涼膈與四物湯各半服能益血洩熱名雙和散錢氏去

連翹加藿香石膏為瀉黃散

本事方治大人小兒五臟積熱煩燥多渴唇裂喉閉目赤

鼻頰結硬口舌生瘡陽明症傷寒發狂見鬼譫語大小便

閉一切風壅並皆治之

山梔仁 各一兩 甘草 各一兩 赤芍藥 各一兩 大黃

朴硝 各一兩 連翹 各一兩 薄荷 各一兩 乾葛 各一兩

右為散每服二錢水一盞入竹葉七片蜜三匙同煎至

七分去查食後服唯陽明症傷寒忌下此藥局方亦載綠味數與用藥大段不同予一姪婦忽患熱病欲死付之一服立效後來累服累驗幸毋忽

又方

白朮

荆芥

赤芍藥

大黃

木通

右為細末大便秘結米泔調空心服三錢上膈壅熱或

生赤丹或生癰瘡用水二盞煎六分若小便結如淋狀

用蘆根打碎洗淨煎湯下五心煩熱用生姜一片同煎

服效

小承氣湯方見傷寒

調胃承氣湯方見傷寒

四順飲子方見前氣血

桃仁承氣湯方見傷寒

大承氣湯方見傷寒

立效散治下焦結熱小便黃赤淋閉疼痛或出血

頭居中熱

手獨熱大小便澀閉血熱痔屬下

山梔炒半兩

瞿麥穗兩

甘草炙三分

右為末每服五錢水一碗入連鬚葱根七箇燈心五十

莖生姜七片同煎至七分溫服

石葦散治膀胱有熱水道淋瀝或尿如葦汁及出砂石

石葦

木通

滑石

王不留行各二兩

甘草稍兩

當歸

白朮

瞿麥

芍藥

葵子各兩

黃芪二兩

右為細末每服煎湯調下空心服

經云胃足陽明之脈氣盛則身以前皆熱當取足三里等

帝曰人有四肢熱逢風寒如炙如火者何也岐伯曰是

人者陰氣虛陽氣盛四肢者陽也兩陽相得而陰氣虛少

少水不能滅盛火而陽獨治獨治者不能生長也獨勝而

止耳逢風如炙如火者是人當肉燥也見逆調論樂消劑也

身前熱屬陽明四肢熱屬陽盛陰虛

本草綱目卷五

五

手足心熱屬火

熱分五臟

仲三物黃芩湯治婦人四肢煩熱方見產後
丹治手足心熱用東垣火鬱湯方見後火鬱熱條
治手足心熱此方神妙

梔子 香附 蒼朮 白芷 半夏
川芎 右用神麴糊丸

垣身熱有五不同論 五臟有邪各有身熱其狀各異以手捫摸有三法以輕手捫之則熱重按之則不熱是熱在皮毛血脉也重按至筋骨之分則熱甚重按極其輕摸之則不熱是熱在筋骨間也輕手捫之則不熱重手加力按之亦不熱不輕不重按之而熱是熱在筋骨之上皮毛血脉之下乃熱在肌肉也此謂三法以三黃丸通治之細分之則五臟各異矣
肺熱者輕手乃得微按全無管管然見於皮毛上為肺主

皮毛故也日西尤甚乃皮毛之熱也其症必見喘欬歷浙寒熱輕者瀉白散重者涼膈散白虎湯之類治之及地黃地骨皮散
心熱者心主血脉微按至皮膚之下肌肉之上輕手乃得微按至皮毛之下則熱少加力按之則全不熱是熱在血脉也日中太甚乃心之熱也其症煩心心痛掌中熱而噦以黃連瀉心湯導赤散硃砂丸安神丸清涼散之類治之脾熱者輕手捫之不熱重按至筋骨又不熱不輕不重在輕手重手之間此熱在肌肉遇夜尤甚其症必怠惰嗜臥四肢不收無氣以動以瀉黃散調胃承氣湯治實熱用之人參黃芪散補中益胃湯治中虛有熱者用之
肝熱者按之肌肉之下至骨之上乃肝之熱寅卯間尤甚者其脈弦其病四肢滿悶便難轉筋多怒多驚四肢困熱

筋痿不能起於牀瀉青丸柴胡飲之類治之兩手脉弦者或實由發者皆肝熱也俱宜用之

腎熱者輕按之不熱重按之至骨其熱蒸掌如火如炙其人骨蘇蘇然如虫蝕其骨困熱不任亦不能起於牀滋腎丸六味地黄丸主之

以脉言之則輕按之如三菽之重與重與血脉相得而數者心熱也如九菽之重與數者皮熱也如十二菽之重與筋相得而數者肝熱也按之至骨骨熱也

黃連瀉心火 木通瀉小腸火 黃芩瀉肺火

黃芩瀉大腸火 柴胡瀉肝火黃連 柴胡瀉膽火亦

以黃連佐之 白芍藥瀉脾火 石膏瀉胃火

知母瀉腎火 黃柏瀉膀胱火白濁

熱在皮毛目面屬肺類躁引飲置與黃芩一物湯 海皮膚如火燎而以手重取之不甚熱肺熱也目白睛赤

丹清金丸伐脾肺火 黃芩為末粥丸又名與點丸

右二方瀉肺中血分之火瀉白散瀉肺中氣分之火

錢瀉白散方見治虛實 涼膈散 白虎湯方俱見前

瀉心湯瀉心方見治虛實 丹抑青丸伐心經之火須臾虛實調之 黃連為末粥丸

木專方治心熱千金地黃丸 黃連四兩為粗末 生地半斤研取汁連香併二味拌勻曬乾

右為細末煉蜜丸如桐子大每服三十丸食後開冬湯下

門冬丸治心經有熱 麥冬兩一 黃連兩半

右為細末蜜丸如桐子大食後熱水吞三十丸 海清心丸治熱

熱在血脉目中甚煩心掌蓋屬心

熱在皮毛目面屬肺類躁引飲置與黃芩一物湯

黃栢生二兩 麥冬兩 黃連一兩 龍腦一錢
煉蜜九如桐子大每服十九臨臥門冬酒下或薄昔湯
亦得多

錢導赤散瀉兩方見治虛實法五臟條
海火府丹丙丁俱瀉入

黃芩一兩 黃連一兩 生地二兩 木通三兩
為細末煉蜜如梧子大每服二三十九臨臥溫水下

錢瀉黃散方見治虛實法五臟條 調胃承氣湯方見傷寒 瀉青丸方見

當歸龍薈丸

當歸焙 草龍膽 山梔 黃連
黃栢 黃芩各一兩 大黃 蘆薈
青黛各半 木香二錢 麝香半錢

熱在兩脇實卯甚多怒後驚屬肺

右為末煉蜜丸如小菴大小兒如麻子大生薑湯下
三十九忌發熱諸物兼服防風通聖散

丹回金九伐肝經火亦審虛實用之
黃連一兩 吳茱萸一兩

右為末粥丸
佐金九佐肺金以伐肝木之邪

片苓六兩 吳茱萸一兩
右為末蒸餅丸

垣滋腎丸

黃栢二兩酒 知母二兩酒 肉桂二錢
右為末熟水丸如雞頭大每服百丸加至二百丸白沸
湯下空心服

治腎熱諸方並見勞瘵

熱在腰或漏屬腎

熱分腸
胃脘上
熱屬胃
脘下熱
屬腸
熱分暴

靈胃中熱則消穀令人懸心善饑臍已上皮膚熱腸中熱則
 出黃如糜臍已下皮熱師傳篇○胃居臍上故胃熱則臍
 下熱如肝膽居臍下故腸熱則臍已下熱
 則當胃背亦熱腎居腰腎熱則當腰亦熱可類推也
 暴熱者病在肺積熱者病在腎肝暴熱者宜局方雄
 黃解毒丸積熱者宜局方妙香丸暴者上喘也病在肺
 調之高端宜末香金鈴子散上焦熱而煩者宜牛黃散有
 病久憔悴發熱盜汗謂之五臟齊損此熱勞骨蒸之病也
 瘦弱虛損煩喘腸澀下血皆蒸勞也治法宜養血益陰熱
 能自退此謂不治而治也錢氏地黃丸主之
 雄黃解毒丸治上膈壅熱痰涎不利咽喉腫痛赤眼癰腫
 喉痺方見

保木香金鈴散治暴熱心肺上喘不包
 大黃五錢 金鈴子去核 木香各三錢 輕粉許少

暴熱肺

積熱腎

各熱五臟

朴硝二錢
 右為末柳白皮煎湯調下食後三四錢以利為度
 牛黃散治上焦熱而煩不能臥睡
 山梔 大黃 鬱金各半兩 甘草
 右為末每五錢水煎溫服微利則已
 局妙香丸丹溪云疏決腸胃
 制伏水火之劑
 辰砂八兩 龍腦 膩粉研 麝香研各
 牛黃兩半 金箔九十片 巴豆三百十五粒
 右合研勻用淨黃蠟六兩入白礬七錢半同煉蜜為
 丸每兩作三十丸米飲吞下如要藥速行即用鍼刺一
 眼入冷水浸少時服之
 久熱屬勞瘵治法見瘵門
 諸熱分而言之則有氣血表裏上下五臟之異合而言

乏則氣熱表熱上焦熱心肺熱皆屬陽而治相類血熱裏熱下焦熱腎肝熱皆屬陰而治亦相類中焦與脾熱亦然

羅通治熱氣用黃連解毒湯治大熱甚煩躁錯語不得眠

黃連七錢 黃柏 山梔各半 黃芩一兩

右咬咀每服五錢水煎去香熱服如未效再服

海前方中加防風連翹為金花丸治風熱加柴胡治小兒

潮熱與四物相合各半為湯治婦人潮熱

三黃丸治丈夫婦人三焦積熱上焦有熱攻衝眼目赤

腫頭項腫痛口舌生瘡中焦有熱心膈煩躁飲食不美下

焦有熱小便赤澀大便秘結五臟俱熱即生癰癤瘡癩及

治五般痔疾糞門腫痛或下鮮血丹溪云此三焦藥也

黃連淨 黃芩去 大黃各十

右為細末煉蜜丸如桐子大每服三十丸熟水吞下視臟腑虛實加減服之小兒積熱亦宜服

本單紫雪治腳氣毒遍內外煩熱不解口中生瘡狂易耳走瘴毒及解諸熱藥毒卒黃等毒并蠱魅野道熱毒又治小兒驚疳熱病丹溪云此心脾肝腎胃經之藥

寒水石 石膏 磁石 滑石已上四味各三斤搗為細末用水一石煎

至五斗去 玄參一斤洗 沉香 羚羊角 犀角

香入後藥 青木香 升麻各五 丁香一兩 甘草入兩已上八

前藥汁中再煮取一斗五 朴硝 硝石好者二斤

升去渣入下項二味藥 入前藥汁中微火煎不住手將杓木根攪候七八

升許投在盞中半日後欲凝方入下項二味藥

辰砂三兩 麝香真者一兩二錢乳研已上二

合成後膏二日每服一錢或二錢冷水食後調服木人小兒子細加減局方又用黃金一百兩

恒陰覆平陽火不得伸宜汗之經曰體若燔炭汗出而散者是也脈弦而數者此陰氣也宜風藥升陽以發火鬱則脈數峻退矣凡治此病脈數者當用黃柏少加黃連柴胡蒼朮黃芪甘草更加升麻得汗則脈送下乃火鬱則發之意也

柴胡升陽湯治男婦四肢發熱肌肉熱筋痺熱骨髓中熱發如火燎火燒捫之令人亦熱四肢主屬脾脾者土也熱伏地中此病多因血虛而得又因胃虛過食冷物米水無度鬱遏陽氣於脾土之中經曰火鬱則發之

升麻 葛根 獨活 羌活各半

防風半錢 甘草生二錢 柴胡五錢 炙甘草二錢

人參兩半 白芍藥兩半

右咬咀每服半兩水三盞煎至二盞去渣稍熱服忌

冷物米水月餘

恒火鬱湯治五心煩熱是火鬱于地中四肢土也心火下陷在脾土之中故宜升發火鬱丹溪云治手足心熱用東足方見前手足心熱條

升麻 葛根 防風 柴胡根

炙甘草 白芍藥各五錢

右咬咀每服三四錢水二盞入連翹葱白三寸煎去渣稍熱服

運氣發熱有三

一曰火熱助心實而熱經曰歲火太過炎暑流行病甚則身熱骨痛而為浸淫又曰少陽所至為瘍疹身熱又曰少陰司天客勝則頭痛是少陽之發熱治以諸寒是也
二曰寒邪攻心虛而熱經曰歲水太過寒氣流行民病身

熱煩心燥悸陰厥又曰歲金不及炎火乃行寒復則陰厥
且格陽反上行發熱又曰少陽在泉主勝則熱反上行熱
發格中而嘔蓋主勝者謂冬寒勝少陽之客熱治以諸熱
是也

三曰風扇火及寒濕鬱火而熱經曰太陽司天之政初之
氣氣乃大溫民病身熱頭痛是風扇陽而熱也治宜清之
又云四之氣風濕交爭民病大熱少氣又云少陽司天之
政二之氣火反鬱白埃四起民病頭痛身熱是寒濕鬱火
而熱治視寒熱少多其制是也

鍼灸
靈黃帝曰刺節言徹衣夫子乃言盡刺諸陽之奇輸未有
常處也願卒聞之岐伯曰是陽氣有餘而陰氣不足陰氣
不足則內熱陽氣有餘則外熱內熱相搏熱如懷炭外畏
綿綿近不可近身又不可近席膝理閉塞則汗不出舌焦

唇稿脂乾嗌燥飲食不讓美惡黃帝曰善取之奈何岐伯
曰取之於其天府太樞三痛又刺中膺以去其熱補手足
太陰以去其汗熱去汗稀疾於徹衣刺節真邪篇火熱
在上推而下之從下上者引而去之刺節真邪篇

甲身熱胃脇痛不可反側顛息主之嗜臥身體熱不能
動搖太濕三陽絡主之

海兩手太熱為骨厥如在火中可灸湧泉穴三壯立安

撮要手心發熱魚際取針向後三分少府三分脚心發熱濕
痺東骨先瀉後補足底發熱脚核疼公孫半寸瀉熱而脈靜者難

素脈浮而濇濇而身有熱者死通詳虛實論熱而脈靜者難
脈盛汗出不解者死脈虛熱不止者死詳見傷寒發熱

勞瘵骨蒸熱

虛者皮毛肌肉筋爪骨髓氣血津液不足也若男女終
 日勞役神耗力倦饑飽越常喜怒憂思形寒飲冷縱欲恣
 情素問曰今人未及半百而衰者以酒為漿以妄為常醉
 以入房以慾竭其精以耗散其真根源從此而虛竭矣五
 臟六腑如何不弱五勞六極七傷從此而始何謂五勞心
 勞血損肝勞神損脾勞食損肺勞氣損腎勞精損六極謂
 筋脉肉皮毛骨瘁損是謂六極七傷難經言之甚詳傷形
 與氣謂之七傷總而言之為虛是也太抵五行六氣水特
 五之一耳夫一水既虧豈能勝五火哉虛勞等症蜂起矣
 其體虛者最易感於邪氣當先和解微利微下之從其緩
 而治之次則調之醫者不知邪氣加之於身而未除便行
 補劑邪氣得補遂入經絡致死不治如此誤者何啻千萬
 良可悲哉內經中本無勞症之說其曰勞者溫之溫者溫

存之義不足者補之以味穀肉菜果百味珍羞無非補也
 今之醫者不通其法唯知大補之道輕則當歸鹿茸雄附
 重則乳石丹砂加之以灼艾補燥其水水得熱愈涸生火
 轉其少而成嗽痰血潮熱煩渴喜冷此則熱症明矣重則
 失音斷不可救猶且峻補不已如此死者醫殺之耳及遇
 良工治驗而以清劑解之不合病人之意反行恠責及聞
 發表攻裏之說畏而不從甘死於庸工熱補之手雖死不
 悔深可憫也夫涼劑能養水清火熱劑能燥水補火天下
 之事無出乎理理既明何患疾之不安勞為熱症明矣還
 可補乎惟無邪無熱無積之人脉舉按無力而弱者方可
 補之又必察其胃中及右腎二火虧而用之心虛則動悸
 恍惚憂煩少色舌強宜養榮湯琥珀定神丸之類以益其
 心血脾虛面黃肌瘦吐利清冷腹脹腸鳴四肢無力飲食

不進宜快胃湯進食丸之類以調其飲食肝虛目昏筋脉拘攣面青恐懼如人將捕之狀宜牛膝益中湯虎骨丹之類以養助其筋脉肺虛呼吸少氣喘乏咳嗽隘乾宜枳實湯加入參黃芪阿膠蘇子以調其氣腎虛腰背脊膝厥逆而痛神困耳鳴小便頻數精漏宜八味丸加五味子鹿茸去附子用山藥等丸以生其精

丹勞瘵主陰虛痰與血病 虛勞漸瘦屬火陰火消鑠即

是積熱宜照後法治之
草還丹治陰虛骨蒸用青蒿一斗五升童便三斗文武火熬約童便減至二斗去蒿再熬至一升入猪膽七箇再熬數沸用甘草末收和為丸梧子大每服五十丸
治勞病四物湯加竹瀝入小便 陰虛發熱四物湯加黃栢降火補陰甚者加龜板

張文仲治骨蒸方生地黄一升搗取汁盡分再服利則減之以身涼為度

右丹溪論勞瘵主乎陰虛者蓋自子至巳屬陽自午至亥屬陰陰虛則熱在午後子前寤屬陽寤屬陰陰虛則汗從寐時盜出也升屬陽降屬陰陰虛則氣不降氣不降則痰涎上逆而連綿吐出不絕也脉浮屬陽沉屬陰陰虛則浮之洪大沉之空虛也此皆陰虛之症用四物竹瀝又加炒栢龜板皆補陰降火之劑又須遠嗜慾薄滋味靜心調養以助之也

丹陰虛發熱四物湯加黃栢兼氣虛者加參芪白朮

御院瓊玉膏滋血補氣延年益壽
人參三十六兩去蘆
白茯苓二十四兩去皮研為細末
黃十六斤搗取汁以盡為度去查
蜜六斤
生地

右和勻入銀石器瓶中內用油紙外用竹箬包以軟篾縛緊瓶口入重湯內懸胎煮之用桑柴文武火不住手三晝夜入井中浸一日夜出火毒又煮一日出陰毒取出每早空心用酒或白湯調下

羅清神甘露丸治男子婦人虛勞不足太骨枯大肉陷皆治之

生地汁 白蓮藕汁 生乳汁用生

右三味等分用砂石器內以文武火熬成膏子用後藥

人參 白朮 黃連 黃芪 五味子

胡黃連

右各等分為細末以前膏子和劑丸如桐子大每服五十丸人參湯下

海黃芪膏子煎丸

人參 白朮各一兩半 柴胡 黃芩各一兩

白芷 知母各半兩 甘草半兩 鱉甲一兩半

黃芪半斤為粗末用水二斗熬三斗去渣再熬

呼吸少氣懶言語無功動作自無睛光面色晄白皆兼氣

虛也

補天丸治陰虛骨蒸發熱形羸瘦者紫河車洗淨用布

絞乾用補腎丸藥末搗細焙乾再碾為末酒煮米糊為丸

梧子大每服七八十九熱湯下夏月加五味子紫河車即

初生男子胞衣也

補腎丸治陰虛有痰膈不清者

龜板一兩半 黃柏半兩 牛膝二兩 乾姜二兩

陳皮半兩

右為米姜汁打糊丸每服七八十九

治酒色過傷少陰

黃柏半兩

黃芩半兩

地黃一兩

龜板五兩

夏加砂仁三錢五味五錢多加乾姜炒黑三錢用炊

餅為丸食前白湯服三五十九丹溪心法以地黃作黃柏

潔地黃丸治久新憔悴寢汗發熱五臟齊損瘦弱虛煩腸

澀下血骨蒸痿弱無勞不能運動東垣云治脉沉而虛者

熟地八兩

山茱萸肉

山藥各四兩

牡丹皮

茯苓

澤瀉各三兩

右為細末煉蜜丸桐子大空心温酒服五十九

垣或問錢氏地黃丸補腎又曰補肝何也曰然手厥陰心

主包絡足厥陰肝經俱治在下焦經云不足者滋其化源

故肝腎之病同一治法此地黃丸補二經之意也海藏云若如五

味為腎氣丸此滋

黑地黃丸加五味子為腎氣丸治陽盛陰衰脾胃不足

房室虛損形瘦無方面多青黃而無常色此補氣益胃

蒼朮一斤

熟地一斤

五味子半斤

乾姜秋冬一兩

錢七

右為細末棗肉丸梧子大食前米飲或酒服百丸治血

虛久痔甚妙經曰腎苦燥急食辛以潤之此藥開腠理

生津液通氣又五味子酸以收之此雖陽盛而不燥熱

乃是五臟虛損於內故可益血收氣此藥類象神品方

也

治陽盛心肺不足宜八味丸四肢弱無力多困未知陰陽

先損夏可用地黃丸春秋宜腎氣丸冬宜八味丸

雲岐雜蘇丸治嗽血方見咳唾血

右治肺腎虛蓋肝心屬陽肺腎屬陰陰虛則肺腎虛矣
 腎虛者從房室中來其症或腰痠腰痛或足痿足痠足
 熱或遺精白濁是也肺虛者或咳嗽或吐血是也治腎
 虛四方前一方龜板黃柏為君有痰無痰皆可用後二
 方地黃為君無痰可用痰多而腸不清者宜審之治肺
 虛咳嗽唾血者方法浩大另立咳嗽唾門也
 丹虛勞皆積熱而成始治時可用子和法後日羸憊四物
 湯加減送消積丸使熱不作也 蒸蒸發熱積病最多
 小陷胃湯治濕痰發熱極妙方見傷寒部結胃門
 退實熱勞積痰

驚甲 龜板 側柏 瓜蒌仁
 半夏 黃連 黃柏

右為末炒餅丸

又濕痰發熱

黃芩炒

黃連炒

香附生

蒼朮

右為末瓜蒌穰為丸

青礞石丸方觀

河間人參半

夏丸方觀

丹治施官人年三十餘不可勞動勞動則發熱脈洪而大
 在右手短而澹在左手平調此必酒痰成濕傷血又問之
 遇少勞則喘乏力小便或赤或白

當歸

黃芪

人參各五分

芍藥分

白朮二分

川芎分五

木通分三

黃芩分三

陳皮分五

厚朴分五

炙甘草分二

煎湯下青礞

石丸

羅柴胡飲子解一切肌骨蒸熱寒熱往來及傷寒發汗不
 解或汗後餘熱勞復或婦人經病不快產後但有如此之

症並宜服之

黃芩

甘草

大黃

芍藥

柴胡

人參

當歸各半

右咬咀姜三片煎熱服

保防風當歸飲子治煩熱皮膚不澤食後前服空心宜以此飲下地黃丸

柴胡

人參

黃芩

甘草

防風

大黃

當歸

芍藥各半滑石二錢

右咬咀每服五錢水一盞半姜三片煎七分溫服如痰嗽加半夏如大便黃米穀完出驚悸溺血淋閉欬血衄血自汗頭痛積熱肺痿後與大金花丸

大金花丸

黃柏

黃芩

黃連

山梔各一

右為細末水丸小豈大每服一百丸溫水下日二三服或大便實加大黃自利如中外熱者此藥作散煎服名解毒湯或腹痛嘔吐欲作利者每服解毒湯半兩加半夏茯苓厚朴各三錢姜三片如白膿後重下利後重者加大黃三錢

麥煎散治少男室女骨蒸婦人風血攻疰四肢

赤茯苓

當歸

乾漆

鱉甲醋

常山

大黃煨

柴胡

白朮

生地

石膏略一

甘草半

右為末每服三錢小麥五十粒水煎食後臨臥服若有虛汗加麻黃根一兩東坡云此黃州吳判官療骨蒸黃瘦口臭肌熱盜汗極效吳君寶之不肯妄傳當歸龍薈丸治肝有積痰汚血結熱而勞瘵者其本衝脉

必與衝陽脉不相應宜以補陰藥吞此丸神效方見
 右勞瘵兼痰積其症腹脇常熱手足頭面則於寅卯時
 分作有涼時者是也若頑痰膠固難治者必以吐法吐
 之或沉香滾痰丸透膈丹之類下之又甚者或用倒倉
 法若痰積閉塞經脉則太衝脉與衝陽寸口脉數而不
 相應者極難治自陰虛條至此凡六法但患勞者罕能
 脫此六法自此以後數法宜審而行之無其病莫妄施
 也

世治骨蒸熱神效

- 前胡錢一
- 柴胡錢二
- 胡黃連錢一
- 猪脊髓
- 猪膽筒一

右水煎入猪膽汁服之

石地骨皮枳殼散治骨蒸壯熱肌肉消瘦氣力多困夜多

盜汗

- 地骨皮
- 秦艽
- 柴胡
- 枳殼
- 知母
- 當歸
- 鳖甲酥炙

右等分爲末水一盞桃柳枝頭各七箇姜三片烏梅一箇去查臨臥服

羅秦花鳖甲散治骨蒸壯熱肌肉消瘦舌紅頰赤目倦盜汗

- 柴胡
- 地骨皮各一兩
- 秦艽
- 知母
- 當歸各半兩
- 鳖甲一兩去裙

右爲籠末每服五錢水一盞入烏梅一箇青蒿五葉同煎至七分去查溫服臨臥空心各一服

人參地骨皮散治臟中積冷營中熱按之不足舉之有餘陰不足而陽有餘也

茯苓半

知母

石膏各一兩

地骨皮

人參

柴胡

生地各一兩

右咬咀每服一兩生薑三片水煎細細服

人參柴胡散治邪熱客於經絡肌熱痰嗽五心煩躁頭目昏痛夜有盜汗及婦人虛勞骨蒸尤宜

白茯苓

人參

白朮

柴胡

當歸

半夏麩

乾葛

甘草炙

赤芍藥

一兩各

右為細末每服三錢姜四片棗三枚水煎帶熟服皆

但有勞熱症皆可服熱退即止大抵透肌

右四方治虛損復受邪熱皆宜用柴胡衍義云柴胡本經並無一字治勞今人方中治勞鮮有不用者誤人甚多常原病勞有二種其臟虛損復受邪熱因虛而致勞故曰勞者年也當斟酌之如經驗方治勞熱書蒿煎丸

用柴胡正宜服之無不效熱去即須急已若無邪熱得

此愈甚雖至死人亦不怨王海藏云苟無實熱醫取用

之必死何待後之用柴胡者宜審諸又大忌連柏驟

用純苦寒藥反瀉其陽但當用瓊玉膏之類大助陽氣

使其復還寅卯之位微加瀉陰火之藥是也

火鬱湯方見

柴胡升陽湯方見

右二方治重陰覆其陽火不得伸或洒洒惡寒或志意

不樂或脉弦數或四肢五心煩熱是也病去即已不可

過劑服寒涼藥症雖大減脉反加數者陽鬱也大忌

寒涼宜升宜補犯之死速

海問兩手寸關弦病脾弱火勝木旺土虧金鑠洪當作何治

答曰不治標本從乎中治木標也土本也火中也燦金洪

土旺木者皆火也錢仲陽安神丸主之山黃麥冬益金之

氣益則氣旺而木自平寒水石牙硝火中添水使化為濕熱也濕熱為季夏之令非土而何故用硃砂以墜火下行將退與子推行濕令也故脈弦得除而土自旺秋喘加人參丹砂等夏則不加養氣者加沉香欲發汗者臨臥先與白粥一盞後藥之則汗也寒熱神少振搖小便淋或多或大使走完穀不化口乾舌縮唇吻有瘡心下痞太渴引飲惡乾喜濕目花四肢無力怠惰嗜臥食不入皮膚燥澀面色鰲黃肌肉消鑠胃腹中急額上汗者法宜洩火益濕補氣脈弦浮沉者同治以安神丸主之虛實治氣不化虛實小便不利濕潤肌滑熱蒸陰少氣不化虛實氣走小便利自汗肌燥澀為迫津液不能停離珠丹主之虛實弦數者陽陷于內從外而之內也弦則帶數甲經于乙緊則帶共壬經于丙若弦虛則無災細則有水此二脈從內之外不

宜離珠丹

弦數脈圖



火令速行而土虛土虛則長夏不至難經曰虛則補其母資其化源當瀉火于金中補土是也

右寸顯弦數脈是東方實乃乘子勢也既瀉其子火水自虛矣以寒熱瀉火是補北方水木既乘火熱而來侮金當釜中瀉火火退則木無所恃而自退是實則瀉其子也

仲五勞虛極羸瘦腹滿不能飲食食傷憂傷飲傷房室傷饑傷勞傷經絡榮衛氣傷內有乾血肌膚甲錯兩目黯黑緩中補虛大黃黃芩主之結在內者手足厥必相失宜此方然必兼天補劑瓊玉膏服之類

- 大黃十兩
- 黃芩二兩
- 甘草三兩
- 桃仁升

杏仁升

芍藥兩

地黃兩

乾漆炒一兩

蜜虫升

水蛭百枚

鱗鱗升

麝虫升

右十二味為末煉蜜丸如小豆大日三服酒下五丸

陳大夫傳張仲景百勞丸治一切勞瘵積滯疾不經藥壞症者宜服

當歸炒

乳香

沒藥各一

人參一

大黃錢

蜜虫十四枚水蛭十四枚

右為細末煉蜜丸如桐子大都作一服或百丸五更百

勞水下取惡物為度服白粥十日百勞水用杓揚百遍

仲景甘爛水是也

外臺治骨蒸桃仁一百二十枚去皮併雙仁留尖杵和為

瓦平且井花水服令盡服訖量性飲酒仍須吃水多效隔

且又服一劑百日不得食肉

仲景甘草湯一名復治虛勞不足汗出而悶脉結悸行動

如常不出百日急者十日死傷寒

海四物加減湯治婦人骨蒸

當歸

白芍藥

川芎

地黃補血

地骨皮瀉腎牡丹皮各等分

右咬咀水煎服

羅道遙散治血虛勞倦五心煩蒸煩赤盜汗室女血弱除

虛榮衛不和月水不調痰嗽潮熱肌身羸瘦漸成骨蒸

茯苓

白朮

當歸

芍藥

柴胡

甘草炙

右咬咀生薑一塊煨切破薄荷少許同煎

右二方治婦人骨蒸大法若夫要處並同於前陰虛法

取之蒸病治者宜隨各經虛實內外淺深用藥加減

可也
古今錄驗五蒸湯

茯苓 甘草 人参 竹葉 地黃
葛根 知母 黃芩 石膏 粳米合二

右咳咀以水三盞煎小麥二合至三盞去麥煎藥至三盞溫服隨症加減于後已海藻松菜無葉大醋

實熱六 加黃芩 黃連 黃柏 大黃
厯熱六 加烏梅 秦艽 柴胡

肺蒸乾鼻 加烏梅 天冬 麥冬 紫苑 牡丹皮
大腸乾痛 加大黃 芒硝

皮蒸舌白 加石膏 桑白皮
膚蒸昏昧 加丹皮

氣蒸遍身乾喘 加人參 黃芩 山梔

心蒸乾舌 加黃連 生地
小腸焦下唇 加赤茯苓 生地 木通

血蒸髮焦 加生地 當歸 桂心 童便
脉蒸唾白浪語 加當歸 生地

脾蒸唇焦 加白芍 木瓜 苦參
胃蒸舌下痛 加石膏 粳米 大黃 芒硝 乾葛

肉蒸食無味而嘔 加白芍
肝蒸眼黑 加川芎 當歸 前胡

膽蒸眼白 加柴胡 括萋
筋蒸甲焦 加當歸 川芎

三焦蒸乍熱乍寒 加石膏 竹葉
腎蒸兩耳焦 加生地 石膏 知母 寒水石

膀胱蒸右耳加澤瀉 茯苓 滑石

腦蒸頭眩加生地 防風 羌活

髓蒸熱枯骨加生地 當歸 天門冬

骨蒸齒黑腰痛足逆加鱉甲 地骨皮 丹皮

腎蒸肢細跌腫加石膏 黃栢

胞蒸赤小便加澤瀉 茯苓 生地 沉香 滑石

凡此諸症皆熱病後食肥甘油膩房事飲酒犯之而成
反蒸不除變成疴病死期近矣

牡丹皮治無汗之骨蒸能瀉陰知母治有汗之骨蒸

衍義治骨蒸勞用薄荷汁與衆藥熬成膏

經驗治患勞人燒香法玄參一斤甘松六兩為末煉蜜一
斤和勻入磁瓶內封閉地中埋管半日取出更用炭末六

兩煉蜜六兩和勻入瓶內封管五日取出燒使真中常時
香氣疾自愈矣

鍼灸撮要治骨蒸勞熱膏膏在四橋下五橋上各開三
里寸多百此詳見刺法門 三

摘英熱勞上氣喘滿肺俞五分留七 尺澤

崔氏治骨蒸傳尸勞炙四花穴兼治赤白帶

第十次取二穴令患人正立取一蠟繩從足大拇指端

右貼肉量至後跟上臑至委中橫紋絕斷為則子復令患

人解髮分兩邊令見頭縫卻平身正坐取前則子從鼻端

貼肉上至頭縫下至項脊骨以則子盡處為記用墨點

起至鼻柱根如△字齊兩吻截斷却展直於前則子盡頭

墨記處橫量開取兩平頭是穴高下相平 第一次取

二穴令平身正坐又取一繩繞項向前雙垂與乳頭齊截
 斷却首翻繩頭向項後以繩中停於結喉上其下雙垂繩
 頭盡處當背骨中用墨點之是穴不又取一繩令病人合口
 橫量一吻截斷移於前脊中記處橫量取平上下相半
 兩頭是穴連前第一次通取共計四穴同時上火七壯至
 三十壯灸至百壯候灸瘡落却取三次穴第三次取二
 穴將前第二次量口吻繩子於第一次雙繩頭盡處墨點
 記上當脊骨直上下豎點令繩子中停中心在墨點處於
 上下繩盡處是穴灸如前法

標幽體熱勞嗽、魄戶薄

潔治腎蒸熱不可治者或前板齒乾燥、大椎

撮要又法 鳩尾壯補之

右背俞取膏肓肺俞四花穴大椎等穴治勞瘵者皆為

陽氣下陷而寒熱往來也若灸之早百發百中累試可
 效

玉龍傳戶勞

湧泉第二足指端量到根盡折中是針三
治無血必危危危出血 豐隆此穴治痰針入 丹田此
刺入二分便湧彈指 三分補二呼

仲男子婦人脈大為勞極虛亦為勞 男子面色薄者主
 渴及亡血卒喘悸脈浮者裏虛也 勞之為病其脈浮大
 手足煩春夏劇秋冬瘥陰寒精自出瘦削不能行 脈弦
 而大弦則為減大則為扎減則為寒扎則為虛虛寒相搏
 此名為革婦人則半產漏下男子則亡血失精 跌陽脈
 浮而扎浮者衛氣衰扎者榮氣傷其體瘦肌肉甲錯浮扎
 相搏榮氣衰微而屬斷絕
 右胗脈浮而大或大而弦皆為虛勞者蓋陽盛陰虛之

症也暮多見之

男子婦人脈虛細弱者勞也 男子脈虛沉弦無寒熱短氣裏通小便不利面色白時目瞋兼少腹滿此為勞使之然 脈沉小遲名脫氣其人疾行則喘喝手足逆寒腹滿甚則溇泄食不消化也

右胛脈虛微細弦為虛勞者蓋陰陽俱虛之症也晨多見之

玄珠骨蒸之極聲啞咽痛面鰲脈躁直視汗出如珠喘乏氣促出而無入毛焦唇反此皆不治之症雖有神醫亦無如之何矣

傳尸勞熱

華陀治傳尸勞太乙明月丹其病肌瘦面黃嘔吐咳嗽不定先燒安息香令烟出病人吸之不嗽非傳尸也不可用

此藥若烟久咳嗽不止乃傳尸也宜用此藥

雄黃

驚甲 酥炙 一兩

兔屎 二兩

木香 各半

天靈蓋 一兩

輕粉 一分

右為末用法酒一大升大黃末半分熬膏入前藥為丸

彈子大磁砂為衣五更初服勿令人知以童便和酒化

一丸服如人行十里許必吐出虫狀如燈心細長又如

爛瓜子又如蝦蟇狀各不同效次日再服以應為度

紫庭治傳尸伏尸皆有虫須用乳香薰病人之手乃仰手

掌以帛覆其上薰良久手背出毛長寸許白而黃者可

治紅者稍難青黑者即死最驗若熏之良久無毛者即非

此症乃屬勞瘵虛損即用前參茸溫補之藥

選取傳尸伏尸勞虫法

天靈蓋 十字解者酥 多為末三分

安息香 兩 虎糞骨 人骨為 獸骨

次之醋 驚甲九助大者 桃仁去皮尖
炙半兩 麝香研 檳榔為末 青蒿稍兩 豉三百粒
一錢 芍頭一百二 童便研 楓葉二十 桃柳東南
十根 枝如筋大者每七條各七寸

右先將青蒿挑柳楓葉芍頭用水二官升煎半乾去查入天靈虎糞骨驚甲安息香童便煎取汁去查約有四五合將檳榔麝香研勻調作一服早晨空腹服以被蓋汗恐汗內有細虫以白紙拭之投火中須臾必下如有虫以大火焚之棄流水中所用藥勿冷病者知之半月後氣血復完再進一服依前法三次無虫乃止以美飲食調理其病自愈此方必有阿魏半錢

無又方

桑枝

柳枝

石榴枝

桃枝

梅枝各七莖長四寸 青松握

右用童便一升半芍白七莖去頭葉煎及一半去查別入安息香阿魏各一分煎至一鍾濾去查調辰砂末半錢檳榔末一分麝香一字分作二服調下五更初一服五更三點時一服至色牌後取下血色紅者可治青者不治見有所下即進稀粥飲溫暖將息不可食粉麵生冷毒物合時須擇良且不得令猫犬孝服穢惡婦人見之

濟生神人阿魏散治骨蒸傳尸等寒熱羸勞困倦喘嗽

阿魏三錢 青蒿一握 東北方桃枝細切

甘草如病人中指許大男左女右細對

右以童便二升半隔夜浸藥明且煎取一大升空心溫服分為三服每次調入檳榔末三分如人行十里再進

一服男病女煎女病男煎合藥時忌孝子孕婦病人及腥穢鷄犬等物服後忌油膩濕麵生冷硬物服至一二劑即吐出虫子或瀉出更不須服餘藥若未吐利即當盡服病在上則吐在下則利皆出虫如馬尾人髮即愈服藥後覺五臟虛弱鬼魄不安即以白茯苓湯補之

白茯苓錢一

人參錢五

遠志去心二錢

龍骨

防風錢各二

甘草二

生地錢四

麥冬去心

犀角末錢五

大棗七枚

右以水二大盞煎作八合分三服溫服如人行十里一服仍避風寒若覺寒按隔日更作一劑已上藥餌須連服之

羅犀角紫河車丸治傳尸勞三月必效其餘勞症只消數服已

紫河車一貝米泔浸一宿洗淨焙乾

鱉甲炙

桔梗

胡黃連

白芍

大黃

敗鼓皮心炙

貝母去心

龍膽草

黃藥子

知母已上一錢半

芒硝

犀角

蓬木各一錢半

朱砂錢二

右為細末煉蜜丸如梧子大硃砂為衣空心溫酒服三四十丸

本事葛洪云鬼疰者是五尸之一疰又按諸鬼疰為害其變動乃有二十六種至九十九種太畧使人淋漓沉沉默默不知其所苦而無處不惡累年積月漸就頓滯以至於死傳於旁人乃至滅門覺知是候者急治備肝一具陰乾取末水服方寸七日三服效未知再服此方神良天慶觀一法師行考校極精嚴時一婦人投狀述患人有所附須臾乃附語云非我所禍別是一鬼亦自病人命衰為祟

取今已成形在患人肺中為虫食其肺系故令吐血聲嘶
師掇之曰此虫還得長生否久而無語再掠之良久云唯
畏獺爪屑為末以酒服之則去矣患家如其言得愈此亦
所目見也究其患亦相似獺爪者獺肝之類歟

肘後治屍疰鬼疰病用桃仁五十枚研碎以水煮取四升
作一服盡當吐如病不盡二三日再服

玄治傳屍蠱瘵之症父子兄弟互相傳染甚者絕戶此乃
祖父冤債或風水所係雖有符文法水下虫之法然虫去
人亡亦未為全美若能平素保養則自止矣

產後發熱

大全人參湯治產後諸虛不足發熱盜汗

人參

當歸等分

右為末以猪腰子一具去膜膜切小片子以水三升糯

米半合芴白二條煮米熟取清汁一盞入藥末二錢煎
至八分不拘時溫服

羅犀角飲子治產後亡津液虛損時自汗出發熱困倦唇
口乾燥

犀角

麥冬

白朮各半兩

柴胡兩一

枳殼炒

地骨皮

生地

甘草炒

當歸

人參

茯苓

黃芩

黃芪各七錢

右咬咀入浮麥七十粒姜三片同水煎每服四錢
產後發熱多屬虛寒惟乾姜加入補藥中神效此丹溪
法也

